

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem Vlade Federacije Bosne i Hercegovine („Službene novine Federacije BiH“, broj: 25/16), Vlada Federacije Bosne i Hercegovine, na 55. sjednici, održanoj 27.05.2016. godine, donosi

**ODLUKU  
O IZBORU NAJPOVOLJNIJEG PONUĐAČA ZA NABAVKU ROBA-MICROSOFT  
SOFTVERA PUTEM KOLIČINSKOG LICENCIRANJA (VOLUME LICENSING) I  
SOFTVERSKOG OSIGURANJA (SOFTWARE ASSURANCE) ZA POTREBE  
BUDŽETSKIH KORISNIKA FEDERACIJE BOSNE I HERCEGOVINE**

**I.**

Prihvata se Preporuka Komisije za javne nabavke, imenovane Rješenjem Vlade Federacije Bosne i Hercegovine („Službene novine Federacije BiH“, broj: 25/16) da se Okvirni sporazum za nabavku roba - Microsoft softvera putem količinskog licenciranja (Volume Licensing) i softverskog osiguranja (Software assurance) za potrebe budžetskih korisnika Federacije Bosne i Hercegovine, dodijeli konzorciju ponuđača: SYS Company d.o.o Sarajevo (nosilac konzorcija) i Teamwork d.o.o. Mostar (član konzorcija), za ponuđenu ukupnu cijenu ponude sa uračunatim popustom bez PDV-a u iznosu od 2.385.987,15 BAM.

**II.**

Okvirni sporazum iz tačke I. ove odluke zaključit će se sa izabranim ponuđačem na period od tri godine.

**III.**

Za realizaciju ove odluke zadužuje se Generalni sekretarijat Vlade Federacije Bosne i Hercegovine.

**IV.**

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine ([www.fbihvlada.gov.ba](http://www.fbihvlada.gov.ba)), istovremeno sa upućivanjem iste ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Adresa: Alipašina 41, 71000 Sarajevo  
Tel. : +387 33 66 44 49, Fax : +387 33 21 24 11, +387 33 66 72 69  
[www.fbihvlada.gov.ba](http://www.fbihvlada.gov.ba)  
e-mail : [sekretar@fbihvlada.gov.ba](mailto:sekretar@fbihvlada.gov.ba)

**O B R A Z L O Ž E N J E**

Postupak nabavke pokrenut je Odlukom Vlade Federacije Bosne i Hercegovine o pokretanju postupka javne nabavke („Službene novine Federacije BiH“, broj: 24/16). Javna nabavka provedena je putem otvorenog postupka. Procijenjena vrijednost nabavke za tri godine iznosi 2.500.000,00 KM bez PDV-a. Obavijest o nabavci 854-1-1-15-3-1/16 poslana je na objavu 04.04.2016. godine, te je istog dana objavljena na portalu Javnih nabavki. Sažetak obavještenja objavljen je u „Službenom glasniku BiH“, broj: 25/16.

Tendersku dokumentaciju preuzelo je 11 (jedanaest) privrednih subjekata, a 1 (jedan) ponuđač dostavio je blagovremeno ponudu u predmetnom postupku nabavke. Nije bilo neblagovremenih ponuda. Ponudu je dostavio konzorcij ponuđača SYS Company d.o.o. Sarajevo i Teamwork d.o.o. Mostar.

Komisija za javne nabavke, imenovana Rješenjem Vlade Federacije Bosne i Hercegovine ("Službene novine Federacije BiH", broj: 25/16), dostavila je Vladi Federacije Bosne i Hercegovine Zapisnik o pregledu i ocjeni ponuda i Preporuku o izboru najpovoljnijeg ponuđača za konzorcij SYS Company d.o.o. Sarajevo (nosilac konzorcija), sa registriranim sjedištem u ul. Šibenska br. bb, Sarajevo, ID broj: 4200236600002 i Teamwork d.o.o. Mostar (član konzorcija), sa registriranim sjedištem u ul. Blajburških žrtava 23d, Mostar, ID broj: 4227593530000, zajedno sa Izvještajem o radu Komisije.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz tenderske dokumentacije.

U postupku ocjene provedenog postupka, Vlada Federacije Bosne i Hercegovine nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

**POUKA O PRAVNOM LIJEKU:**

Protiv ove odluke može se izjaviti žalba ugovornom organu - Vladi Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

V. broj: 1156 /2016  
27.05.2016. godine  
Sarajevo

**P R E M I J E R**

**Fadil Novalić**

